

PILUAQNAQTULIQUITAUNGITTUQ HAVAMUT NAINAQHIMAYUQ

Tamna tukhigaqtuq, Golden Bull Risuasis Kuapurisan ((“GBR-kut”) tamna 100 pusauyuq nanminigiyauyuq tapkununga Golden River Risuasis Kuapurisan (“GRR-kut”)), uuktugutilik havakniinik havikhaqhiuqniqmut havagutit tahamani Hood (CO-20-002), Contwoyto (CO-08-001A, B, C, D tamnalulu E) tamnalulu Rockinghorse (CO-44-00-01A tamnalulu B) IOL nunat tatya pihimayai 100 pusauyut atiqhimayut tapkununga Golden Bull Risuasis Kuapurisan. Tatya piyungnautit angiqhimayut tuniyauplutiklu taphumunga Hood tamnalulu Contwoyto nunat. Tapkununga tatya pityuhit, tapkuat nanminilgit tatya piyumayut ilaliutinia tamna Rockinghorse Nuna tahapkununga piyungnautinut. Tapkuat nunat piyauyumayut tahamanittut tamaqminut talvani KIA – Inuit Nanminia Nunat CO-08 tamnalulu CO-20 tamnalulu CO-44 nunat ilauni.

Hitamanut ukiunut havaikhaqhiuqniqmut havagutit, pihimakpata kayuhinaqtut nakuyumik piyauni, uuktugutauyut tahapkununga Inuit Naniniania Nunat pigiyauni. Tapkuat 2010 havikhaqhiuqniqmut havagutit pinahauqniqhauyut tapkununga CO-20-002 tamnalulu CO-08-001 IOL. Tapkuat havikhaqhiuqniqmut ilaqaqniat titigtugauni pingutauni (immaqak atuqlugit sikiitut), nunaliginiqmut nunauiyaliuqniq, nalvaqhiuqniq, nunaliginiqmut naunaiyainiq tapkuatlu atulat tamatkiqlugit hivikittumut ikuutaqniqmut havagutit. Hivuliqmiq nunaliginiqmut naunaiyaqni piyauniat tahamani Rockinghorse CO-44-00-01A tamnalulu B Inuit Naniniania Nunat atuqlugit nunaliginiqmut nunauiyaliuqniq nalvaqhiuqniqlu. Tapkuat 2010 atuqtauniqhaq hiniktaumavik iniaqniqt talvani Penthouse Tahiq nunani. Atuqtitlugu 2010 kivgaqtutauniaq atuqtauniqhauluni tahapkununga tamaitnut havikhaqhiuqniqmut havaktit havakniinut talvani HOOD, Contwoyto tamnalulu Rockinghorse Inuit Naniniania Nunat nunat. Tikittaqni tapkuat nunat sartukkuqniat, qayalikmut tingmitmut Yalunaivmit talvunga Penthouse Tahiq/Eske Tahiq (mikiyuq tahiq kivataani/kanangnangani taphuma Oz Minerals [Zinifex / Wolfden] Ulu Piyauniini). Aulatyutit tahamani piqaqtitauniat hiniktaumavikmit halikaptakkut kanturaktitauhimayumut tapkununga GBR-kut. Uqhukha tingmititauniaq tugaqlugu talvunga Penthouse Tahiq/Eske Tahiq pilaqlu, tuklikhaini ukiuni tapkuat havikhaqhiuqniqmut havagutit, tingmititauluni (apqutikkuqluniluniit) talvunga Lupin, Jericho tamnaluniit Ulu milvik talvangatlu nuktigaulutik atuqtauyunut hiniktaumaviknut halikaptakkut. Tamaqmiq uqhukhat hiniktaumavikni tutqukhimaniat avallulikmi hiamaktailivikmi ahivaqtaulutiklu iniaqata atuni ukiut havakviuni.

Tapkuat hivuliqmiq havaktat pingutitiniat nunalikni titigtuqni nunat tahamani Hood tamnalulu Contwoyto Inuit Naniniania Nunat nunat tahapkunani nunat nunaliginiqmut naunaiyaqni nunamilu nipitqaqtaulililityutauni, EM tamnalulu IP nunaliginiqmut naunaiyaqni havaktauniat. Piplugu nunaliginiqmut naunaiyainiq upalungaiyaqtauniqmat Upingalihaqtitlugu 2010, hivuani pingutaunianik angitqiyat hiniktaumaviuniqhat, tamna nunaliginiqmut havaktit nayuqniaqtat mikiniqhat, nuktilat “tingmitmut” hiniktaumavit atuni havakvikni pihuinagialikni tikittaqni titigtugayut nunat. Pitaqniini tapkuat qanugitni tahapkuat naunaiyaqni mikiyut nunaliginiqmut havaktit nuktigauniat nunanut nalvaqhiuqvikhat, nunauiyut naunaiqtugatlu. Upingakhaukhaqtitlugu 2010-mi, atuqtitlugu hivulit maniqami havakviuni, tamna 20 (amigaitniqhamik 25) inuktaqaqnia hiniktaumavik pingutauniaq talvani uataani ihuani Penthouse Tahiq (talvaniluniit ilani uuktugayuyuq atulaq inikhat talvani Eske Tahiq tamnaluniit Hood Kuugaq). Pikpata qanugitni tapkuat hivuliqmiq nunaliquitit,

nunaliginiqmut qanugitni nunaliginiqmutlu takukhauni naunaiyaqni nakukpata, kiklilittaqtut (qaqtainiq) hivikittumiklu ikuutaqniqmut havagutit havaktaulat atuqtitlugu hivulliik ukiuq havagutani pilaqtut pitagahuaqniinut humittakhainut nunaliginiqmut qanugitni naunaiyautit tahamani havikhaqtaqaqniani pitquhiani. Atuqtitlugit tapkuat kinguagut havaikhaqhiuqniqmut ukiukhat (2011-2013), tamna hiniktaumavik pilaq pinguqtautqikhaqnia talvani Tahiqyuaq Nunani piplugu manigaq tahamani naunaiyatqikhaqtauniaqmat. Ilavaligutit nunaliginiqmut takukhauni, nunaligutit, iluttuqtiginiq ikuutaqniqlu havagutit upalungaiyaqtauniat, pikpata tugaqtakhat pinguqtauni. Atuqtitlugu tamna kinguliqpaq ukiuq uuktugutauyuni havagutit, tugaqtakhat naunaiqtauni hivuliqni maniqami ukiungini qiniqtauniat havattiaqlugit ilatyutinut nunaliginiqmut takukhauniinut naunaiyaqni ikuutaqniqmutlu havagutit.

Atuqtitlugu tamna uuktugutauyug havikhaqhiuqniqmut havagutit, nappaqhimainaqtukhanik pinguqtitilaittut tamaitalu iqakut hiniktaqvikmilu hunat ahivaqtauniat ihulittgangata maniqami ukiungani talvanilu ihulitpat tamna havagutit. Anait puqhimaniat atuqlugit "Pacto-tut" hilaippait kinguagutlu ikualattiyaulutik aqyailu hauyaulutik/utiqlugit agyaqlugitluniit Yalunaivmut. Imat halumaittut hiniktaumavikmi ikuutaqviknilu imaiyaqtauniat ilutuniqmut halumaqhiqtukhat. Tamna ilutuniq halumaqtigauniaq iniqata atuni ikuutaqvikni putugini tamnaluniit piplugu hiniktaumavik, ihulitniani atuni maniqami ukiungini. Tamaita iqakut ikualattiyauniat qau tamaat angiqhimayuni ikualattivikni naptuni iqakut naniktigaulutik utiqtitiauniat nuktiqlugit iqaqtayukhat Yalunaivmi.

Havikhaqhiuqniq ihulitniani 2013 naunaigutauyukhauyug atulakhani tugaqtakhat havikhaqhiutqiktaunikhainut pivaliatitniiluniit. Talvuna tamaita atulaktut hanayauyut ahivaqtauniat havakvikmit nunalu tamaqminut halumaqtigauniaq atuqlugu tunihimayut Halumaqtiginiqmut Upalungaiyautit. Pikpat uuktugutauyut havikhaqhiuqniqmut havagutit nakuukpata, tukhigaut nutamut nunap atuqnianut piyungnaut tuniyauniaq ihumagiqlugit pivaliatitaulaqlikhat taphumunga havanguyumut.

Golden Bull Risuasis Kuapurisan atuqpiagahuat aulaniinut uqaqatigikniq ikayuqtigikniqlu tamaitnut ilaayunut, ialutitlugit nunalikni nunaluiyut, tamaitalu aulattiyit kavamatkut havakti tapkuatlu Inuit Katutyiqatigit.

Bruce Goad, P. Geo.

INUKSHUK EXPLORATION INCORPORATED

(Kivgaqtuqhugit tapkuat Golden Bull Risuasis Kuapurisan)

Januari 08, 2010.